

Bozorboyeva Mehribon

Xorzm viloyati Yangibozor tumanidagi 20-maktab o'quvchisi

TA'LIM ISLOHOTLARIGA BARCHAMIZ DAXLDORMIZ

Annototsiya: ushbu maqolada bugungi kunda olib borilayotgan ta'lim sohasidagi islohotlar, ilm-fan va ta'lim sohasini yuksaltirishda yoshlarning o'rni haqida so'z yuritiladi.

Kalit so'z: ta'lim, tizim, davlat, yoshlar, islohot, ta'lim sifati.

Bugun zamonaviy hayotni ilm-marifat va ta'limning taraqqiyotisiz tasavvur etib bo'lmaydi. Ayni damda, ta'lim islohotlaridagi faoliyat yanada takomillashib, xalqimizning asrlar davomida shakllangan ilm sari intilish fazilati yana bir bor namoyon bo'lmoqda. Yoshlarimiz sog'lom hamda go'zal turmush kechirish, egallagan kasbi bo'yicha doimiy ish o'rniga ega bo'lish, mas'uliyatni o'z zimmasiga olish, insoniy qadr-qimmatni kamsitishga yo'l qo'ymaslik, qisqacha aytganda, komillikka erishish uchun harakat qilyapti va bu jarayonda ta'lim olishni eng asosiy vazifa deb bilishmoqda. Davlatimiz rahbari Sh.Mirziyoyev ta'kidlaganidek: "Biz keng ko'lamlilik demokratik o'zgarishlar, jumladan, ta'lim islohotlari orqali O'zbekistonda yangi uyg'onish davri, ya'ni uchinchi renesans poydevorini yaratishni o'zimizga asosiy masad qilib belgiladik". Bu bilan Prezidentimizning yurt kelajagi bo'lgan biz yoshlarga bildirgan ishonchi va hurmati cheksizligidan dalolat beradi. Davlatning ertangi kuni yoshlarning qay darajada bilimli ekanligi bilan bevosita bog'liq. Shu bois ta'lim tizimini rivojlantirish masalasiga hukumat darajasida e'tibor qaratilishi har bir davlatning muhim vazifasi hisoblanadi.

O'zbekistonda so'nggi yillar davomida "Harakatlar strategiyasi" va uning mantiqiy davomi bo'lgan "Taraqqiyot strategiyasi" doirasida, rivojlangan davlatlar kabi uzluksiz ta'lim tizimini muntazam takomillashtirib borish, sifatli ta'lim-tarbiya berish, malakali kadrlarni tayyorlash bo'yicha sezilarli islohotlar amalga oshirildi.¹

Yurtboshimiz aytganlaridek: "Hammamizga ayonki, taraqqiyotning tamal toshi ham, mamlakatni qudratli, millatni buyuk qiladigan kuch ham bu—ilm-fan, ta'lim va tarbiyadir. Ertangi kunimiz, Vatanimizning yorug' istiqboli, birinchi navbatda, ta'lim tizimi va farzandlarimizga berayotgan tarbiyamiz bilan chambarchas bog'liq."²

Ta'lim sohasida davlatning alohida majburiyatlari sifatida imkoniyati cheklangan bolalarning sifatli ta'lim olish imkoniyatlarini kengaytirishga qaratilgan aniq mexanizmlar nazarda tutilgan bo'lib, ta'lim tashkilotlarida alohida ehtiyojlariga ega bo'lgan bolalar uchun inklyuziv ta'lim va tarbiya ta'minlanishi haqida ijtimoiy norma kiritilmoqda.

Bu islohotlarni amalga oshirish uchun ta'lim berish sifatiga e'tibor berish va ushbu sohada ishlashning jozibadorligini doimiy ravishda oshirib borish zarur. Zero, millat va xalqning rivoji, uning intellektual salohiyatini oshirish o'qituvchilar faoliyatiga bog'liq. O'qituvchi ilm-fan sirlari, ma'naviy va madaniy merosni yoshlarga yetkazishda muhim bo'g'in hisoblanadi. Demak, o'qituvchilarga o'zlarining salohiyatini to'liq namoyon etishlari uchun zarur shart-sharoitlarni yaratish ularni ijtimoiy, huquqiy, moddiy qo'llab-quvvatlash darkor.

Xususan, bu borada yurtboshimiz ta'kidlaganidek: "Farzandlarimiz maktabdan qanchalik bilimli bo'lib chiqsa, yuqori texnologiyalarga asoslangan iqtisodiyot tarmoqlari shuncha tez rivojlanadi, ko'plab

¹ Strategy.uz <https://strategy.uz>... talim sohasidagi islohotlarni davom ettirish-ustuvor vazifa...

² Xalq so'zi <https://xs.uz/post/talim> tizimi...



ijtimoiy muammolarni yechish imkoni tug‘iladi. Shunday ekan, Yangi O‘zbekiston ostonasi maktabdan boshlanadi desam, o‘ylaymanki, butun xalqimiz bu fikrni qo‘llab-quvvatlaydi.³

“Kimda-kim maktab bu faqat, Maktab va maktabgacha ta’lim vazirligining ishi deb o‘ylasa, mutlaqo yanglishadi. Maktab ta’limi sohasidagi islohotlar vazirlik va idoralar, tarmoq rahbarlari, barcha darajadagi hokimlar, ilmiy tashkilotlar, ziyolilar, keng jamoatchilikning vazifasi bo‘lishi shart va zarur. Shundagina kutilgan natijaga erishish mumkin”,-deb ta’kidlagan edi Prezidentimiz.⁴

Xulosa o‘rnida shuni aytishimiz mumkinki, ta’lim sohasidagi islohotlar ham bugungi kunda o‘zining dolzarbligi hamda amaliy ahamiyati bilan boshqa sohalardagi islohotlardan aslo qolishmaydi. Chunki ushbu sohadagi islohotlarni yanada keng ko‘lamda davom ettirish davr talabidir. Ulkan maqsad va marralarga yo‘l ochayotgan “Taraqqiyot strategiyasi”da belgilangan vazifalar ijrosini ta’minlash, Yangi O‘zbekistonni rivojlangan davlatlar qatoriga olib chiqish, dastlabki, navbatda maktabda zamonaviy bilimlarni egallagan, raqobatdosh yoshlarga bog‘liq.

³ Yangi o‘zbekiston <https://yuz.uz/news/talim-tizimi...>

⁴ O‘zLidep <https://uzlidep.uz/news/sofparty>